

玄覽堂叢書續集

第九十五冊

文覽堂題書續集

卷之十一

北狄廣記

明吳人慎懋賞輯

韃靼

疆里

韃靼即古獯鬻獫狁匈奴突厥契丹女真蒙古也其地東至兀良哈西至脫忽麻撒馬兒罕南至各邊北盡沙漠

韃靼山川

沙漠曠蕩山川不可殫述惟永樂中車駕所經之地

圖志備載者始錄故紀止此耳然嘉名錫自 成
祖則華夷異稱間有訛舛又無由而証也有志犁
庭者尚詳譯之

陰山東西千餘里草木茂盛多禽獸漢時冒頓單于
依阻其中後武帝奪其地匈奴無所隱蔽過此未嘗
不哭 狼居胥山漢驃騎將軍霍去病出代二千餘
里與匈奴左賢王接戰得胡首虜七萬餘乃封此山
而還 寘顏山霍去病追虜至此得積粟食軍燒其
餘粟以歸 浚稽山山有二匈奴多分居之漢將李

陵擊虜至此營于兩山間 燕然山去塞三千餘里
後漢車騎將軍竇憲出塞與匈奴戰于稽落山大破
之登此山勒石紀功令班固銘曰鑠王師兮征荒裔
勦匈奴兮截海外覓其邈兮亘地界封神兵兮建隆
碣熙帝載兮振萬世 金微山去塞五千餘里竇憲
大破匈奴于此 都斤山突厥可汗常處於此 郭
登疑黎山猶華言地神也在都斤山西五百里高峻
無草木 不岨罕山幹難河源出于此昔蒼白狼慘
白鹿於此生子名巴塔赤罕後為蒙古部即元氏始

祖 迭里溫孛答山近幹難河即元太祖鐵木真生
處 撤撤兒山洪武中周興征胡自元者河追至此
大破之 禽胡山洪武中 王師禽胡寇乃兒不花
因名永樂初北征至此製銘勒石曰瀚海為鐔天山
為鐔一掃胡塵永清沙漠 白雲山永樂初駐蹕時
四山雲氣潔白如練因賜今名 蒼山一名蒼山峽
永樂初駐蹕 沙嶺永樂中駐蹕 凌霄峰永樂初
車駕登絕頂望漠北顧侍臣曰元盛時皆民居今
萬里蕭條惟見風埃沙草爾虜勢衰弱若此尚敢僣

強果何所恃哉 立馬峰永樂初 車駕次玄石坡
製銘勒于是曰惟日月明惟天地壽勒銘玄石與之
悠久 興和地勢遠見似高阜至即又平此乃陰山
脊故寒過此又暖 封王陀今名鳳凰山西南有故
城名沙城四望空濶即元中都此處最宜牧馬西北
有海子駕鵝鴻鴈之類滿其中 鳴鑾戍此處多鹿
蛻角 大伯顏山在鳴鑾戍東北山頗高 小伯顏
山在鳴鑾戍西北迤邐綿亘如海波層疊上即凌霄
峰但乏水由此東北可達開平此處則仰觀北斗矣

山下漸平曠沙中多鼯鼠穴馬行其上時為所陷掘
井得沙黃侔蒸栗白如截肪黑譬純漆青擬凝靛亦
奇異也 橐駝山山形盤紆巒鬱絕頂皆石下有清
泉泉傍多花卉東南有谷東北有峽峽之南山皆土
而北山皆石巉岩峭拔真天巧也自興和紅橋大石
鎮至此無寸木但草莽而已惟此石壁間生一孤栢
偃如飛蓋 五雲關即哈刺罕山亦險阻其下有火
川東北山下有泉潺潺流入川中過此多山澗 錦
水磧 錦雲磧 環瓊圃自此皆沙坨漸見榆林烏

寫此雲谷地無水玉雪岡岡之外遙見一山極
長一峯特立虜謂賽罕猶華言好山又謂阿卜者猶
華言高山也其上人跡罕至至即風雷交作疑有神
物主之玄石坡有山桃數叢初夏始華自此遠近
不一有泉數泓曰天錫曰瑞應曰神貺曰神獻曰靈
秀曰靈濟皆永樂初車駕所經地湧諸泉因賜美
名鳴轂鎮鎮傍有山谷中有二古井水甘可飲新
掘者即鹹苦歸化甸楊林戍地多美石有如琥
珀玳瑁瑪瑙在歸化者更美香泉戍地多桃樹榆

林林無喬木上有鳥巢引手可探皆鷹隼所棲也

廣武鎮即哈刺莽來其傍有川過川入山有泉味惡

不可飲 翠秀峰相傳中有靈異 高平陸一曰高

平阜即忽牙撒里禿 還遠塞一曰懷遠塞 捷勝

岡陟岡四望但見茫然遠天蒼然平楚此即所謂大

謨也 清風壑 香泉戍 雙秀峰地乏水 威虜

鎮 殺虜城即荅魯城 龍沙甸即阿蘭惱兒 富

平鎮即兀兒禿 紫霞峯 玄雲谷 翠幕甸 長

山峽 古梵場場東北有高山甚奇秀類江南諸山

山下孤峰聳起上多白石元諸王葬其下長清塞
塞上一泉極清永樂初賜名玉華至此則南望北
斗矣順安鎮環鎮諸山如畫雖揮毫設色何以加
之平漠鎮祥雲巘雲臺戍錦屏山環秀
岡玉華峯土城威遠戍廣安鎮蟠龍山
臨清鎮威武鎮定邊鎮地乏水平山甸
盤流戍凝翠岡崇山塢三峯山雄武鎮
清胡原青陽戍克忒克刺即華言半箇山山甚
陡峻遠望如坡故名旁多松檜榆柳及佳山水蒼

松峽 黑松林 飛雲壑 靜虜鎮 廣漠戍 蔚

藍山自興和至蔚藍山乃由今宣府西北經萬全右
衛膳房堡野狐嶺踰塞垣以達興和此永樂初擊胡

之西路路甚平坦 寧武鎮 紫雲谷 玉潤山

紫薇岡 青陽嶺 清葉原 淳化鎮鎮旁一大澤

草深泥淖士馬難度 淙流峽 水盤峽中縈迴曲折

如羊腸 錦雲峰 永寧戍 長樂鎮鎮多蚊大者

如蜻蜒拂面嘬噴揮之不去 通川甸 三石山

曼陀羅山山下有廢寺基相傳元公主削髮為尼處

金沙苑苑多沙多水多榆柳掩映如畫 玻璃谷

威信成 武平鎮 開平舊有元之榦耳朶猶華

言宮殿也 環川有小城在川中 李陵臺今日威

虜驛地多水 寧安驛 西涼亭久廢惟石墻與栢

樹尚存 盤谷鎮由是入山峽山甚險阨一夫當之

萬騎莫前也稍南則為今之獨石矣東北曰蒼崖峽

曰急蘭忽失溫 殺胡鎮永樂中敗酋首荅里已馬

哈水太平把禿孛羅于此遂改土刺河為今名 迴

流甸 平山鎮 青山峽 蒼崖戍 黑山峪 長

樂鎮

清平鎮即元之應昌路

陽和谷

錦繡岡

祥雲屯

錦霞磧

翠玉峯

鳴玉岡

和鑾谷

紫駝岡

玉壘峰

寶瓶山

凌雲峰

龍玉岡

天馬峰

蒼石岡

連秀坡

白印山

翠雲屯

清流峽

懷柔甸

清虜鎮

群玉峯

雙島

豐潤屯

長林壑

達安鎮

通精成其地平廣宜

糜糜黍屬

盤石鎮

翠微岡

雙筆峰

連雲磧

青陽峽

聞喜岡自開平至聞喜岡乃由今土木驛

直北經長安嶺鵬鵠堡赤城雲州獨石踰塞垣以達

開平此永樂中擊胡之東路路稍險 可可的里速
猶華言大沙窰也沙漠真曠蕩馬力未窮惟近塞則
多山川林木及荒城廢寺如沿河十八邨者其丘墟
尚歷歷可數極北則地平如掌黃沙白草彌望無垠
求一卷石勺水無有也渴則掘井而飲虜酋號小王
子者常居於此 大沙窰之南與宣府北路龍門赤
城雲州馬營獨石龍門所滴水崖宣府東路四海冶
諸邊相望然重巒疊嶂環統於外知幾百里正屬今
隆慶永寧之後真天造地設拱護 陵寢之藩屏也

雖花當別部棲息於彼然庭羸微弱不滿千人無能為也

班朱尼河元太祖起兵至此河水方渾飲之謂衆曰
他日當記會同此艱難飲馬河舊名臚朐河永樂
初駐驛賜今名傍有殺胡城乃清遠侯王友所築
玄冥河即幹難河元太祖始興之地永樂中賜
今名時追虜酋本雅失里至此大破之清塵河舊
名古兒札河永樂中駐蹕改今名闊闊納浯兒海
元太祖稱帝于此蒙山海在速兒溫都兒之地其

水清冽永樂中駐蹕

他人水突厥可汗常以仲夏

集此拜祭天地

神應泉地名清水源永樂中駐蹕

平地湧泉士馬飲之不竭

賜今名清流泉永樂

初駐蹕製銘勒石曰於鑠六師用殲醜虜山高水清

永彰我武

壓虜川自此多醖水色味俱惡不堪炊

爨

古交河在今哈刺火州因兩河相交故名水聲

沙出碑曰唐之交河郡此處極目可睇眇千里古稱

絕塞

金剛阜

小甘泉

大甘泉泉傍有海子水

甚清但鹹不可飲中多水鳥虜謂鴛鴦海子疑即鴛